

Y Cyfarfod Llawn

Dyddiad y cyfarfod:
Dydd Mercher, 30 Mai 2012

Amser y cyfarfod:
13:30

Cynulliad
Cenedlaethol
Cymru

National
Assembly for
Wales



Agenda

(69)v4

1. Cwestiynau i'r Gweinidog Addysg a Sgiliau (45 munud)

[Gweld y cwestiynau](#)

2. Cwestiynau i'r Gweinidog Llywodraeth Leol a Chymunedau (45 munud)

[Gweld y cwestiynau](#)

3. Dadl y Ceidwadwyr Cymreig (60 munud)

NDM4998 William Graham (Dwyrain De Cymru)

Cynnig bod Cynulliad Cenedlaethol Cymru:

1. Yn nodi bod:

a) 40% o ddisgyblion yn dechrau'r ysgol uwchradd ag oed darllen sydd o leiaf chwe mis yn is na'u hoed cronolegol, yn ôl Adroddiad Blynyddol Estyn 2010/2011;

b) perfformiad Cymru yn Rhaglen Ryngwladol Asesu Myfyrwyr (PISA) 2009 yn is o lawer na gwledydd eraill y DU;

c) dirywiad wedi bod yn nifer y disgyblion yng Nghymru sy'n cyflawni'r graddau uchaf mewn arholiadau Safon Uwch;

d) perfformiad mewn arholiadau TGAU a Safon Uwch yng Nghymru yn waeth nag yn Lloegr; ac

e) ar hyn o bryd nad oes dim Prifysgolion o Gymru yn rhestr y Times o'r 200 o'r sefydliadau addysg uwch gorau yn y byd er bod 27 o Loegr a 5 o'r Alban.

2. Yn gresynu nad yw Llywodraeth Cymru wedi defnyddio ei chyllidebau addysg yn

effeithiol i godi safonau yn system addysg Cymru.

3. Yn annog Llywodraeth Cymru i amlinellu sut y caiff gwariant addysg ei fonitro i sicrhau bod adnoddau, pan fo'n bosibl, yn canolbwyntio ar weithgareddau sy'n cyflenwi gwasanaethau'n uniongyrchol i ddysgwyr.

4. Yn galw ar Lywodraeth Cymru i ail flaenoriaethu gwariant addysg yn effeithiol er mwyn darparu gwelliannau mewn cyrhaeddiad addysgol yng Nghymru yn y ffordd orau.

Gellir gweld Adroddiad Blynyddol 2010/11 Estyn drwy fynd i:

<http://www.estyn.gov.uk/cymraeg/adroddiad-blynyddol/adroddiadau-blynyddol-2010-2011/>

Gellir gweld rhestr y Times o'r 200 o'r sefydliadau addysg uwch gorau yn y byd drwy fynd i: <http://www.timeshighereducation.co.uk/world-university-rankings/2011-2012/top-400.html>

Cyflwynwyd y gwelliannau a ganlyn:

Gwelliant 1 – Jocelyn Davies (Dwyrain De Cymru)

Dileu pwynt 4.

Gwelliant 2 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn croesawu'r grant amddifadedd disgyblion sydd wedi'i anelu at wella cyrhaeddiad addysgol disgyblion difreintiedig.

Gwelliant 3 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i sicrhau bod gwario'r grant amddifadedd disgyblion yn cael ei fonitro'n effeithiol er mwyn iddo gyflawni gwelliannau mewn cyrhaeddiad.

Gwelliant 4 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i ddatblygu cynlluniau i gynyddu'r grant amddifadedd disgyblion mewn blynyddoedd i ddod i helpu i ddatblygu gwelliannau pellach mewn cyrhaeddiad.

4. Dadl Plaid Cymru (60 munud)

NDM5000 Jocelyn Davies (Dwyrain De Cymru)

Cynnig bod Cynulliad Cenedlaethol Cymru:

1. Yn cefnogi'r cais gan Nominet i Gorfforaeth y Rhynggrwyd ar gyfer Enwau a Rhifau a Neilltuir (ICANN) am ddau Barth Lefel Uchaf i Gymru, sef .cymru a .wales
2. Yn credu y bydd presenoldeb o'r fath ar y rhynggrwyd yn helpu i hyrwyddo Cymru yn rhyngwladol ac mewn twf e-fasnach; a
3. Yn galw ar Gomisiwn y Cynulliad i fabwysiadu'r ddau Barth Lefel Uchaf hyn cyn gynted ag y bo'n ymarferol.

Cyflwynwyd y gwelliannau a ganlyn:

Gwelliant 1 – Aled Roberts (Gogledd Cymru)

Ym mhwynt 3, dileu 'Yn galw ar Gomisiwn' a rhoi yn ei le 'Yn galw ar Lywodraeth Cymru, ei hasiantaethau a Chomisiwn'

Gwelliant 2 – Aled Roberts (Gogledd Cymru)

Rhoi ar ddiwedd pwynt 3, 'ac yn galw ymhellach ar Lywodraeth Cymru i annog cyrff cyhoeddus eraill yng Nghymru i wneud yr un fath'.

Gwelliant 3 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn credu y bydd presenoldeb o'r fath ar y rhynggrwyd yn annog y defnydd o'r Gymraeg mewn bywyd bob dydd.

5. Dadl Democratiaid Rhyddfrydol Cymru (60 munud)

NDM5001 Aled Roberts (Gogledd Cymru)

Cynnig bod Cynulliad Cenedlaethol Cymru:

Yn galw ar Lywodraeth Cymru i sicrhau y bydd ei Chynllun Cyflawni Cenedlaethol ar gyfer Canser yn:

- a) galluogi cynifer o bobl â phosibl i gael triniaeth canser mor agos at eu cartrefi â phosibl;
- b) darparu ar gyfer cymorth i gleifion canser sy'n ei chael yn anodd teithio i'w canolfan driniaeth; ac
- c) darparu ar gyfer cyngor ariannol ac ymarferol i ddioddefwyr canser.

Cyflwynwyd y gwelliannau a ganlyn:

Gwelliant 1 – Jocelyn Davies (Dwyrain De Cymru)

Cynnwys ar ddiwedd is-bwynt c)

'gan gynnwys cyngor ar fudd-daliadau lles'

Gwelliant 2 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn gresynu bod cleifion yng Nghymru bum gwaith yn llai tebygol na'r rheini yn Lloegr o gael cyffuriau canser mwy newydd.

Gwelliant 3 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn nodi bod 24 o gyffuriau canser modern sydd ar gael yn rheolaidd nawr i gleifion yn Lloegr drwy ddefnyddio Cronfa Cyffuriau Canser Llywodraeth y DU ac yn gresynu nad yw'r rhain ar gael mor rhwydd i gleifion yng Nghymru.

Gwelliant 4 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i sefydlu cronfa a fydd yn ei gwneud yn haws i gleifion yng Nghymru gael gafael ar driniaethau canser modern.

Gwelliant 5 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn nodi toriadau Llywodraeth Cymru i'r Gwasanaeth Iechyd Gwladol yng Nghymru yn 2012-13 a oedd yn fwy nag erioed o'r blaen, a bod modd i'r rhain beryglu gweithredu'r Cynllun Cyflawni Cenedlaethol ar gyfer Canser.

Cyfnod Pleidleisio

6. Dadl Fer (30 munud)

NDM4999 Keith Davies (Llanelli)

Blaenoriaeth i Blismona

Trafod dyfodol Plismona yng Nghymru.

Cynhelir Cyfarfod Llawn nesaf y Cynulliad am 13:30, Dydd Mawrth, 12 Mehefin 2012